

BATAKANG BALAOD

PASIUNA

Kami nga mga miyembro sa KAKAMPI ASSOCIATION OF OROQUIETA CITY diin nga nagkahiusa ang among tinguha sa pagmugna ug usa ka kapunungan sa katawhan nga ang tumong ug katuyoan makahatag ug kalambuan kanamong mga sakop pinaagi sa paghimo ug mga programa nga makatabang sa kabus nga mga subano ug kristyano ilabina sa mga kabataan nga wala maka skwela ug mohimog mga proyekto diin makapahasa sa mga talento ug kahibalo sa mga miyembro ug makagiya alang sa maluntarong kalampusan, dinhi nagmugna ug balaodnon kinsa nagbutyag ning maong batakang balaod.

ARTIKULO I NGALAN UG LUGAR SA KAPUNUNGAN

Section 1. Ang ngalan ning maong kapunungan mao ang KAKAMPI ASSOCIATION OF OROQUIETA CITY.

Section 2. Ang dapit o lugar nga nahimutangan ning maong kapunungan mao ang P3 Talairon Oroquieta, Misamis Occidental.

ARTIKULO II KATUYUAN

Section 1. Ang katuyuan sa kapunungan mao ang pagpanalipod ug pagpalambo sa kaayuhan, katungod ug komon ug interest alang sa tanang sakop sa kapunungan.

Section 2. Ang labi pang importanteng katuyuan sa kapunungan mao:

- 2a.) Ang pagplano ug pagmugna ug usa ka programa alang sa mga sa Kabataang subano ug kristyano nga wala maka skwela sa elementarya og sekandarya
- 2b.) Ang pagdasig sa mga sakop sa kapunungan sa paghimo ug mga buluhaton nga mahimong maayong kapanaminan sa katilingban.

ARTIKULO III PAGPASAKOP

Section 1. Ang pagpasakop ning maong kapunungan mahimo ni bisan kinsa nga residente sa Probinsiya sa Misamis Occidental.

Section 2. Ang pangidaron dili moubos sa 18 pataas ligdong ug kasaligan ilabina na sa hisgutatang kaayo ug pagkaminabangon.

Section 3. Ang pagpasakop ning kapunungan mosubmitir ug application kauban ang membership fee nga P150.00, mobayad sa binulan nga tampohon nagkantidad sa 10 pesos kada bulan.

Section 4. Ang pagpasakop ning maong kapunungan kinahanglan mutoman sa lagda ug balod nga giladid sa organisasyon sa pagpasakop ug kinahanglan mobayad siya

ARTIKULO IV
KATUNGOD UG KATUNG DANAN SA MATAGSAKOP SA KAPUNUNGAN

Section 1. Katungod – ang matag sakop sa kapunungan kinahanglan magpabilin nga responsible ug matarung aron siya makapahimulos ning mosunod nga katungod:

- 1a.) Paminawon ang iyang katungod o opinion sa mga butang nga may kalambigitan sa kapunungan.
- 1b.) May katungod siya sa pagbutar sa butang nga i presentar diha sa meeting o sa pagpili during election ug lalambuan sa organization kauban sa pagsalig ug pagtuo sad Dios nga labawong makagagahom ug ug tag-iya sa tanang butang sa kalibutan.
- 1c.) Makatagamtam siya sa tanang benepisyo nga alang sa mga sakop sa kapunungan.
- 1d.) May katungod siya diha sa pagpangayo ug inpormasyon sa mga record, document, libro ug uban pang datos mahitungod sa kapunungan.
- 1e.) May katungod siya sa pagpili ug magpapili sa matag piniliay nga pagahimuon sa kapunungan.

Section 2. KATUNG DANAN – ang matag sakop sa kapunungan adunay katungdanan sa kapunungan ning mga mosunod:

- 2a.) Pagtuman sa constitution and by-laws ug mga polisiya ug mga nga gimugna sa Kapunungan
- 2b.) Pagpanalipod sa ngalan ug integredad sa kapunungan
- 2c.) Pagpalambo ug pagsuporta sa interest ug katuyoan sa kapunungan.
- 2d. Aktibo mga motambong ug mosalmot sa tanang meeting ug kalihukan sa kapunungan.
- 2e.) Mobayad sa tanang balayronon ug amoton nga gikauyonan sa tanang sakop sa kapunungan

ARTIKULO V
ASSEMBLIYA HENERAL

Section 1. Ang assembliya heneral maoy pinakataas nga magbabalaod sa kapunungan ug ang tanang balaod, palisya ug mga plano nga giaprobahan kinahanglanpagasundon sa tanang sakop sa kapunungan.

Section 2. Ang assembliya nga nagalangkob sa tanang sakop sa kapunungan

ARTIKULO VI
OPISYALIS UG MGA KATUNG DANAN

Ang mga sangay sa kapunungan nagapili ug mga opisyalis () nga miyembro sa mga komitiba nga mao ning () a sumosonod:

- Usa (1) ka pangulo
- Usa (1) ka puli – pangulo (vice-chairman)
- Usa (1) ka sekretarya
- Usa (1) ka tresurero
- Usa (1) ka Auditor
- Walo (9) ka Direktor

Section 2. Ang napili nga pangulo maoy mopahigayon sa tanang meeting nga pagahimoon sa kapunungan.

Section 3. Ang napili nga puli – pangulo maoy mopahigayon sa tanang meeting kung wala ang Pangulo. Mao usab ang mangulo sa kalihukang pag uswag sa kinabuhi sa matag miyembro pinaagi sa paghatag ug pagmugna ug mga proyektong panginabuhi.

Section 4. Ang napili nga Sekretarya maoy mopahigayon sa pag gama ug mga sulat ug pag tipig sa tanang importating document kalabutan sa komonikasyon ug mga importating dokumento sa asosasyon.

Section 5. Ang napili nga Tresorero maoy maghupot sa kuarta ug maoy mopahigayon sa unsa ang galastohanang niini nga gi aprobahan sa assembly heneral ug mga opisyaes sa asosasyon.

Section 6. Ang mga napili nga director maoy magmugna ug mga plano alang sa kalambuan, maoy magpanday sa mga balaod ug palisiya nga angay sundon sa asosasyon.

ARTIKULO VII MEETING

Section 1. Assemblies Heneral – ang meeting nga binulan sa assemblya heneral sa kapunungan pagahimoon sa matag katapusan sa domingo sa matag bulan.

Section 2. Meeting sa mga opisyaes ipahigayon maka-usa sa permirong domingo sa matag bulan.

Section 3. Molunsad ug anibersaryo sa asosasyon kada tuig.

ARTIKULO VIII ELEKSYON SA MGA OPISYALIS UG MGA MEMBRO SA KOMITIBA

Section 1. Ang pagpili sa mga opisyaes sa kapunungan pagahimoon makausa sa matag (2) duha ka tuig kini sa panahon sa assemblya heneral sa katapusang sabado sa Nobyembre.

Section 2. Ang pamaagi sa pagpili sa mga opisyalis pagahimoon sa sekreto nga balota gikan sa alas 12:00 sa udto sa maong adlaw nga gitakda sa pillay, ug ang makakuha sa mayoriya nga boto mao iproklamar nga mananug maong piniliay.

Section 3. Ang napilian nga opisyalis ug mga membro sa komitiba molingkod sa katungdanan sa unang adlaw sa Enero.

Section 4. Bakante nga posisyon – kon adunay mobakante nga posisyon sa opisyalis ang pangulo motawag dayon ug usa ka espesyal nga piniliay sa nabakante nga posisyon.

ARTIKULO IX DISIPLINA

Section 1. kon si kinsa nga sakop sa kapunungan nga dili motambong sa meeting sa maka (3) tulo ka higayon siya pagataktakon sa kapunungan ug paga aprobahan sa Pangulo.


ARTIKULO X
KAUSABAN

Section 1. kon adunay kausaban nga pagahimoon niini nga constitution and by-laws, kini ipresentar sa assemblya heneral ug paga aprobahan sa 2/3 nga gidaghanon sa mga sakop sa kapunungan.

ARTIKULO XI
EPEKTO

Section 1. kini nga constitution and by-laws magsugod human maratipikahi sa mga sakop sa kapunungan niining ika 04, sa bulan sa April, 2021 dinhi sa Misamis Occidental, Philippines.


HAZEL H. CALUBAG
Secretary


NANCY R. SUNOGAN
Chairman























